

郑庄公戒飭守臣隐公十一年

左 传

秋七月、公会齐侯、郑伯、伐许。庚辰、傅附于许。三国之师、俱附于许之城下。颍考叔取

郑伯之旗螯螯、弧、旗名。弧、以先登。子都郑大夫、公孙阏。自下射食之。恨考叔夺其车、故射之。颠。颠、坠也。叔坠而死。

瑕叔盈郑大夫。又以螯弧登。周麾而呼曰、君登矣。周、遍也。麾、招也。螯、弧、郑伯旗、故呼曰君登。郑师毕登。

郑师见君之旗、故尽登城。壬午、遂入许。许庄公奔卫。齐侯以许让公。齐不取。公曰、君谓许

不共、同供、○谓许部供职贡。故从君讨之。许既伏其罪矣。虽君有命、寡人弗敢与闻。

乃与郑人。郑庄公始以三国之师、同克许。难自专功、而佯让齐逊鲁。及齐鲁交让、而郑庄因受焉、是齐鲁堕郑术中。盖取。郑与许为邻、庄公眈眈虎视已久、一日得许、心满意足、又欲掩饰其贪许狡谋、故下文逐层商量、逐步打算、遂

成曲曲折折、裒裒亭亭之笔。郑伯使许大夫百里、奉许叔许庄之弟。以居许东偏。偏、边鄙也。○己弟叔段何在、而爱及他人之弟。特借此布置一番、是

奸雄手段。曰、天祸许国、鬼神实不逞于许君、而假手于我寡人。逞、快也。言许祸降自天、非我欲伐许也。寡

人唯是一二父兄同姓群臣。不能共同亿、其敢以许自为功乎。共、给也。亿、安也。○就处常推出一层。寡人

有弟、叔段。不能和协、而使餬其口于四方、其况能久有许乎。餬口、寄食也。段出奔共国、故云寄食于四方。是怕

人说、自开口先说。○就处变推出一层。吾子其奉许叔以抚柔此民也。以上追前、以下料后、只此句点题。吾将使获郑大夫、公孙获。也佐吾

子。伏下。若寡人得没于地、天其以礼悔祸于许。以礼、如人以恩礼相遇。悔祸、悔前日之祸许、而转而佑之。根上天祸许国来。○十五字作一句读。若

者、逆料之词。是说在自己身后者、明明自己在时、天未必其悔祸于许也。下乃紧承悔祸意、作两层写。无宁兹许公复奉其社稷。唯我郑国之有请谒

焉、如旧昏同婚。媾、其能降以相从也。无宁、犹宁无也。兹、此也。言宁无此许公复奉许之社稷。唯我郑国之有所请告于许、如旧昏媾、许其能降心以从郑也。○三十字作一气读。

就有益于郑处、推出一层。无滋他族、实逼处此、以与我郑国争此土也。吾子孙其覆福、亡

之不暇、而况能禋因、祀许乎。言无长他族类、迫近居此、以与我郑国争此许地。吾子孙将颠覆危亡、救之不暇、而况能禋祀许之山川乎。精意以享曰禋。或谓他族、是暗指齐鲁、似极有照应。但

此是说在自己身后者、恐非专指齐鲁也、玩子孙二字可见。○三十三字作一气读。就有害于郑处、推出一层。寡人之使吾子处此、居许东偏。不惟许国之为、去声、○应许

公复奉其社稷。亦聊以固吾圉语、也。圉、边陲也。应无滋他族、实逼处此。○三句总收上文。乃使公孙获处许西偏。曰、凡

而器用财贿、无置于许。而、汝也。我死、应前得没于地。乃亟去之。乃、亦汝也。以无财物之累、可以速于去许。○亦说在自己身后者、明明自己在时、

汝一日不可去许也。

吾先君新邑于此。

新邑，河南新郑也。旧郑在京兆。庄公之父武公，始迁邑于河南。

王室而既卑矣。

周自东迁之后，日见衰微。

周之

子孙，曰失其序。

序，班列也。周序先同姓，后异姓。王室既卑，故子孙曰失其序。

夫许、大泰、岳之胤，也。

大岳，神农之后。尧、四岳也。胤，嗣也。见许非

周子孙，后未可量。

天而既厌周德矣，吾其能与许争乎。

王室既卑，子孙失序，是天厌周德。而郑亦周之子孙，岂能与许争此地乎。此明公孙获不可久居许之意。○已上两

边戒饬之词。满口假仁假义，只为自家掩饰。绝不厌其词之烦。快笔英锋，文中仅有。

君子谓郑庄公于是乎有礼。

于是乎有礼者，见郑庄一生无礼，唯此若有礼耳。

礼、经

国家，定社稷、序人民、利后嗣者也。

四句，是礼之用。

许无刑而伐之、

刑，法也。

服而舍

舍之、度铎、德而处之、量力而行之、相

去声。

时而动、无累后人、

六句，是说郑庄用礼。

可

谓知礼矣。

又断一句。言从外面看去，真可谓知礼矣。

郑庄戒饬之词，委婉纡曲。忽为许计，忽为郑计，语语放宽，字字放活。篇中三提天字，见事之成败，一听于天，己未尝容心于其际。曰得没于地，曰我死亟去，俱从身后着想。可见生前，断不容许吐气。更妙在用四个乎字，是心口相

商、吞吞吐吐，无从捉摸，真奸雄之尤。但辞令妙品，洵不多得。谓之有礼，亦止论其事，未暇诛其心也。